



G. 3896.18

No. G. 3896.18

Vol 1



Bought with the  
Charlotte Harris Fund  
Charlestown Branch.





50 marks

Digitized by the Internet Archive  
in 2010 with funding from  
Boston Public Library





est.  
g. m.

# 623

17

17

H A R A N G V E  
D E · L ' A M A T E V R  
D E I V S T I C E ,  
A V X T R O I S E S T A T S .

---

M. D. C. X V.





H A R A N G V E  
*De l'Amateur de Justice,*

AVX TROIS ESTATS.

**C**'Est de vous (Messieurs) que nous esperons que la Iustice sera renuise en la possession de son ancien patrimoine, d'ou elle a esté honreusement banie par ceux de nostre Siecle; c'est de vous que nous attendons le restablissement de son ancienne Noblesse enfermeé dans les coffres de l'ignorance; liée & garottée d'une chesne a la Persienne souuenés vous que c'est elle qui a faict autres fois florir toutes ces belle Republicques payènes, dont vous aués tiré vos loix, celle de Rome, d'Athene, & de Lacedemone ne se sont elles pas perdues en la perdant; prenés garde qu'il n'en arriue autāt a la vostre, car elle commande a se lasser d'endurer, si vous ne donnés ordre qu'elle ne soit remise en sa premiere splendeur. Pleust à Dieu que ceux qui sont pourueus de ses offices, sceussent bien pratiquer ces belles leçons que Dieu leur a dictées par la bouche de ses Prophetes & Apostres. Iuges voyés ce que vous faictes, car ce n'est point le Iugement des hommes que vous exercés, mais celuy de vostre Dieu & selon que vous iugerés ainsi serés vous iugés, & derechef, faictes Iugement & Iustice, ou autrement i'ay iuré en moy que vostre maison sera deserte. Elles leur seroient fort faciles a mettre en vſage, s'ils auoient tant soit peu d'experience aux affaires, & suiuoient les loix; c'est a

dire si la loy dominoit, non pas eux la loy. Et a la verité nous dirons, que la Republicque laquelle est la mieux ordonnée & policée, & celle en laquelle domine non tous indifferemment ou plusieurs, ains celle en laquelle la loy seule domine. car elle n'est iamais pousseé d'aucune affection, elle ne se courouce point, elle ne hait personne, elle n'est point saisie d'ambition, elle aime tous également & les fauorise, & tandis qu'elle domine, elle n'endure point qu'aucuns s'esleue par ambition, pour conduire le peuple a son plaisir, mais elle gouuerne sagement la Republicque : c'est pourquoy le Iureconsulte Pomponius, l'appelle vne promesse & obligation commune de la Republicque; & Aristote qu'elle est le commun consentement du peuple, lequel ordonne par escrit comme chaque chose se doit faire ou non faire: ainsi aussi Ciceron, qu'elle ordonne ce qui est iuste & bon, & deffend ce qui est mauuais; a quoy s'accorde ce que dit le Iureconsulte Modestinus, que la force & vigueur de la loy est commander, deffendre, punir, & permettre. Et certes les Magistrats qui l'ont violé & violent encores tous les iours, doibuent bien panser que l'œil de la vengeance ne dormira pas tousiours. Ceux qui ont droit de Iustice, comme plusieurs Seigneurs debuoiert bien connoistre ceux lesquels ils commettent pour l'exercer : car de la vient vn grand bien a leurs subjects ou vn tres-grand mal ainsi donc (Seigneurs) lors que les offices des Iuges vacqueront en vos iustices, donnés les places de iudicature a gens qui en soient capables & dignes, vous serés les premiers qui en recepurés les

fruits, & vos subiects les seconds. D'auantage vous ferés voir a nos Roys la faute qu'ils font de vendre les Estats, voire des premiers de leur Iustice, & non seulement des Iuges & Iurisdicions Royales, & des Iuges Presidiaux, mais des Parlemens. Le Roy Louis douziesme en fit le premier l'ouuerture pour les Estats de la chambre des Comptes le Roy François apres la suiui, pour tous les Estats de iudicature, mesme des Parlemens, celuy a qui nous nous ressentons tant redebua- bles d'auoir fauorisé les lettres en France. Et le Roy Henry le Grand, duquel les loüanges sont & seront a iamais espandués iusques aux der- niers confins du monde, a la persuasion d'aucuns qui luy représenterent les grands deniers qui luy en viendroient les a rendus fiefs, faisant finan- cer par an aux Officiers le sixiesme de leur estat. Miserables qui tiennent des charges a ceste condi- tion, que acheptent le temps qu'ils consomment a seruir d'une somme qu'il faut qu'ils gagnent pour la payer, & si par ce moyen en rendant les estats fiefs, c'est oster aux gens d'honneur le mo- yende pouuoir seruir leur pays, & ouurir la porte aux ignorans, c'est a dire a ceux qui auront plus d'argent que de science. Helas ou est ce grand President la Vacquerie, pour nous en faire des Remonstrances, n'en naistra il point vn Phenix de ces cendres pour nous entonner icy les dis- cours, & nous apprendre que ce n'est point l'or & l'argent qui maintiennent les Roys & leurs estats: mais ces deux colonnes, la pieté & la Ius- tice. Heureux ceux qui ont tellement gouverné leurs Prouinces qu'ils n'ont laissé apres eux au-



can vestige d'auarice & luxure. Rochés inaccessible-  
 sibles, forteresses imprenables & inexpugnables  
 bouleuers de iustice, quand aurons nous l'heur  
 que nostre Roy vous appellera par vos capacités  
 suffisances, bonnes mœurs, & grande experience  
 aux affaires : afin d'amanter toutes sortes de mo-  
 yens fort propres a tirer la verité du milieu des  
 tenebres, discerner le iuste de l'iniuste, garentir  
 les vefues & les Orphelins de la foule & oppres-  
 sion des profanes & impies. Les reformatiōs cō-  
 mātēt quelques fois par les parties les plus basses  
 doncques (Seigneurs) a qui le Roy a concedé les  
 Iustices ne cerchés les officiers du Roy dans les  
 Iurisdctions, qui remplissent leurs sieges des ap-  
 pellations des sentences qu'il auront eux mes-  
 mes donneés, pour se faire recepuoir plusieurs  
 fois aux parties & y profitent en diuers temps  
 ny admettrés point aussi des Procureurs des Sie-  
 ges car ils n'auront que l'habit des Iuges, qui est  
 la robe qu'ils y porteront aux iours qu'ils iront  
 exercer leurs charges, & peut estre qu'encores ils  
 auront apprehension, d'enueloper leur ignoran-  
 ce d'une soutane & d'une robe: croyés moy ces sont  
 tous vautours enrobés, monstres biformes, hor-  
 ribles & exerables, ayant bien au dehors la figu-  
 re d'hommes, mais en effect & au dedans, ce sont  
 des vrays toreaux, des loups affamés, des bestes  
 farouches & sauvages, qui se repaissent incessam-  
 ment de chair humaine, escorchent le pauvre  
 peuple, le succent iusques aux entrailles, foulent  
 le iuste & l'innocent, tantost par faux contracts,  
 tantost par mutilations des registres, tantost par  
 concussions & exactions tres-pernicieuses nous

voyons practiquer cela tous les iours a nostre  
 grand regret, qui me meut de représenter icy les  
 qualités d'un bon Iuge, pour le choix que vous  
 en ferés quand l'occasion s'en presentera aucuns  
 ont depeint la Iustice couuerte d'un grand voile  
 & sans yeux, enquoy il me semble qu'ils luy font  
 iniure: car sur toutes choses celuy qui est iuge,  
 doit auoir les yeux clairs-voyans, fermes & as-  
 surés a la terreur des meschans: mais peut estre  
 qu'ils ont voulu dire, que le Iuge ne doit se sou-  
 cier des menaces, ny des prieres des grands de ses  
 parens, ny de ses amis, & qu'il doit destourner  
 d'eux les lumieres chastes de la Iustice, de crainte  
 que ses yeux ne soyent esbloüis & ne conuiēt, par  
 ce qu'il doit faire iugement du bien d'avec le  
 mal, & des innocens d'avec les coupables, qu'il  
 ne se laisse point corrompre, par les esperances,  
 faueurs, proffits & telles autres especes de char-  
 mes plus dangereux que ceux des magiciens, que  
 leurs yeux ne soyent point surpris, constants &  
 asseurés comme ceux de Socrate, quand sans sil-  
 ler il regardoit le soleil, c'est a dire, Dieu du chef,  
 duquel la iustice est neé, le gournail & condui-  
 te de laquelle il a commise au Iuge, ainsi Qu'a-  
 Eneé son vaisseau a Palinurus, qui pour si peu  
 qu'il se d'escouure de l'equite, tombera precipité  
 entre les Hyrtes & les rochers, ses yeux aussi peu  
 desirans que ses mains continantes ainsi que di-  
 soit Pericles, habillé modestement d'habits de-  
 ceus a sa charge, incorruptible, aueugle aux pre-  
 sens, qu'il soit tellement esgal enuers vn chascun,  
 qu'il puisse iuger sans passion, & que la raison luy  
 soit comme en la main le baston a l'auengle, du-



quel il tatonne s'il n'ya point de pierre en son chemin contre laquelle il offense & blesse son pied : que selon Solon il aye les oreilles fort ouvertes, a celle fin de s'accoustumer a ouir bien ou mal dire de luy, & ne fust esneu des loüanges ou des medifances du vulgaire, & mesme quelque-fois a la façon d'Ullisse, il se bouchat les oreilles de cire, & quelques-fois d'estre sourd, mais non lors qu'il exerce sa charge: bref estre tel que Perse le d'espeint en ces vers.

*Ille sciat iustum, gmina suspendere lance  
Ancipitis libræ, rectum discernat, ubi inter  
Curua subit, vel cum fallit pede regula varo  
Sitque potis nigrum vitio presigere Theta.*

Au surplus, nous donnons aussi l'aduis de Cicéron en son Oraison *pro Cluentio*; *nec lentum nimis etiam esse debere, ne litium faciat immortalitem, neque frigidum nimis indelictis, plectendis purgandaque scelestis hominibus civitate*: mais nous voulons que le Iuge viue avec vne ame innocète, qu'il n'apprehende point la peine, qu'il ne soit point paresseux, ny qu'il se laisse trop aller, qu'il ne se face aussi trop redoubter, qu'il ne soit audacieux, mais bien temperé, qu'il ne soit trop precipitant, ne aussi trop estourdi, qu'il ne se laisse emporter a la collere, ny a trop grande compassion, qu'il ne se laisse fleschir, qu'il soit tousiours ferme, qu'il ne se laisse suborner: bref qu'il soit aussi homme de bié & aussi sage que celuy lequel a peine Apollo peut il trouuer entre mil. Quand nous le voudrons choisir, il ne faut point que nous ayons autrement esgard a sa parenté a son estre & creatiō: mais seulement que nous regardions s'il a esté  
nourri

nourri & allaité du lait des mammelles de Justice, laissant la les moyens qui ne sont que choses terrestres, caducs & perissables. Imitons ces anciens payens, lesquels estoient tous zelateurs de Justice, ne la laissant point à l'abandon de qui la vouloit, ne l'exposoient point à l'encan, comme nous semblons faire auioird'huy à toute sorte de personnes, ainsi qu'une marchandise, dont on ne fait pas grand compte. Alexandre Seuerus Syrien de nation, bon Prince, guerrier, iusticier, pieux, & le premier Empereur Christicolle apres Adrian, n'a iamais permis, ne voulu souffrir, que les Estats de Iudicature se missent en vente, *necesse est ( inquit ) vt qui emit vendat : ego non patiar mercatores potestatum, quos si partiar damnare non possim : Erubesco enim punire illum hominem qui emit & vendit* Voila de belles parolles dignes certes d'un tel Prince, lesquelles peuuent seruir d'exemples à nos Roys, qui maintenant ne scauroient auioird'huy punir iustement ceux qui ont charge sur un peuple, s'ils commettent quelque iniustice, parce que l'on peut dire que ce sont eux mesmes, qui leur en donnent le subiect, mettants en vente leurs Estats de iudicature, les desliurants aux plus chers & derniers encherrisseurs, qui le plus souuent sont enfans de Marchans, qui n'auront iamais este nourris en l'Eschole de vertu, & lesquels osent bien mettre tout leur auoir, ou bien peu s'en faudra en des Estats, pour exercer toute leur vie contre leurs consciences toutes sortes d'impietés, ne se proposans, ne liberté, ne vertu pour leur but : ains seulement une conuoitise de cheuances, auoir, & richesses, laquelle, n'a borne ne mesure quelconque, ne aucun assouuissement, non plus qu'un feu bien embrasé, ou un creux abis-

me de mer, l'un & l'autre insatiables de tout ce qui se peut mettre dedans. Mais le pis que ie voy, c'est que la plus part deux, sont ordinairement alliés les uns avec les autres, de sorte que si quelqu'un deux a delinqué, il est impossible d'en esperer la punition, & moins encores d'auoir Iustice, si on a quelque chose a desmesler avec eux, & si on en veut recuser vn, il faut par mesme moyen recuser tout le siege, cōme nous voyons cela arriuer souuent. Es Estats du pais de Languedoc tenus a Montpellier, en l'année mil D. lvi. il fut arresté de remonstrer au Roy, qu'il luy plüst ordonner, que les proches parens & alliez ne fussent admis en mesme siege ny en mesme court: Et quatre ans apres, les mesmes remonstrances furent faictes au Roy par les Estats de France tenus à Orleans, mais il est impossible d'y remedier maintenant, tant que les Estats soient perpetuels, & conserués par la Paulette. Il y a deux cents-cinquāte ans & plus que le Roy Charles cinquieme, & auparauant luy Philippe le Bel, Auoient ordonné que nul ne fust Iuge au pays de sa naissance, conformément a l'Edit de Marcaurele, lequel ordonna que nul ne fust Gouverneur de son pays, ce qui fut depuis estendu aux conseilliers assesseurs & Gouverneurs des Prouinces, & fut tres-biē executé: comme il est encores en Espagne, & en la plus part des villes d'Italie, le Iuge ordinaire est estrangier. Il y a quelque temps qu'aux Estats de Poulougue, les Ambassadeurs de Moschonie requierent la mesme chose: mais l'ordonnance de nos Roys a esté tost enseuelio. Et sans chercher les Edicts des Empereurs Romains, ne lisons nous pas dans les memoires de Cesar, que les anciē Gaulois, & mesmes ceux d'Autun auoient vne loy inuiolable, qui



effendoit que les Magistrats fussent continués  
 plus d'un an & que deux d'une famille ne peussent  
 estre Magistrats, ny Senateurs ensemble, ny l'un  
 tant que l'autre qui l'auroit esté viuroit. D'auanta-  
 ge la chose qui plus doit estre recommandée a tous  
 subjects en general, & a chascun en particulier, est  
 la conseruation du bien public. Et quel soin, quel  
 boucy du bien public, peuuet auoir ceux qui ny peu-  
 uent auoir aucune part? comment auront ils soin  
 de ce qui ne leur touche ny pres ny loin? Et si quel-  
 que homme de bien veut dire, faire, & entreprendre  
 quelque chose pour l'vtilité publicque, estant pri-  
 ué qui l'escouterat? qui le supportera? qui le favori-  
 era? les histoires nous apprenent, que presque tous  
 les Estats populaires ont esté changes en Monar-  
 chies, pour auoir donné les chargés & commissiōs  
 plus long temps qu'il n'estoit besoin: comme a Pisi-  
 strate en Athenes, a Phidon en la ville d'Argos, a  
 Cypsele en Chorinte, a Denys en Syracuse: a Pane-  
 ste en Leōce, a Phalaris en Ionie: & sans aller si loin  
 l'on sont venus tous les Princes & Seigneurs d'Ita-  
 lie, sinon que de la: ainsi que ces iours passés nous  
 auons faict voir en certaines remonstrances. Ce  
 que preuoiant le dictateur Aemilius Mamercus  
 presenta requeste au peuple, qui passa en force de  
 loy par laquelle il fut ordonné que la censure des  
 loys en auant prendroit fin en dix-huict moys, qui  
 estoit Establie pour durer cinq années, & le iour  
 suiuant il deposa la dictature ne la voulant conti-  
 nuer plus d'un iour, & adiousta ceste raison, *ut*  
*Sciatis quam mihi diuturna imperia non placeant,*  
 Et a peu de temps de la, nous lisons que le tribun  
 Gabinius fut tué en plein Senat par les Senateurs  
 mesmes (comme nous lisons en Dion) pour auoir  
 faict decerner a Pompée la cōmission de la guerre

Piraticque pour cinq ans: & rend la raison pourquoy il est fort dangereux d'octroyer les charges honorables trop long temps, par ce (dit il) que le naturel de l'homme est tel, qu'il mesprise vn chacun, & ne peut viure en subiect, depuis qu'il a long temps commadé: c'est ce que dit Cassiodore quasi en mesme sens, *antiquitas voluit prouinciarum dignitatem annua successione reparari, ut nec diutina potestate vnus insolesceret, et multorum prouectus gaudia reperirent*. Et peut estre que ce fut l'vn des plus grands moyens de cōseruer l'Estat des Assyriens & Persans, qui tous les ans changeoint de Capitaines & Liutenans. Et cependant auiourd'huy nous voyons que les enfans par le moyē du droict annuel, sont maintenus & gardés en la possessiō des Estats de leurs peres, quelle folie ie vous prie le pere peut estre sera meschāt & sçauant, & le fils ignorant sera en sa place, de sorte que tous les iours nous tōbons de fiebure en chaud mal, de dire qu'il ne sera receu s'il est ignorant, c'est s'abuser: veu qu'autant en pend a l'œil de ceux qui le reçoient ayant peut estre des enfans de telle Cathégorie, qu'ils veulent pouruoir semblablement auant ou après leur mort. O que les republicques sont heureuses quand elles sont gouvernées par gens de bien, prudens, & sçauans: car ou la sapience est, la Iustice ne s'en peut pas esloigner, & ainsi il ne s'y peut rien faire d'injuste, ny de Tirannie; mais ou l'ignorance est, & le deffaut d'experience; ce ne sont qu'arrogances, audaces, praticques de toutes choses cōtre tout droit & raison (ce qui estoit reproché aux Atheniens vn ardent desir & appetit insatiable de gain) tout y est en desordre, d'autant que si le Iuge ignorant ayme auiourd'huy quelqu'vn il le favorisera, mais si le lendemain il le luy a faict la moindre offense, il le con-



dânera, & n'ya aucũ qui ne puisse faire de telles fautes, s'il est ignorât des loix & des sciēces, & qu'il aye ceste opinion d'estre la loy mesme de cela qu'il a puissance de iuger. Certes le gouuernement de tels Iuges & Magistrats est très-dâgereux, par ce que ils foulēt les plus nobles & mesprisēt les vertueux & sçauans, les vns estants poussés d'amour, de haines, d'animosités, ou de quelques affections particulieres, les autres d'esperance, de crainte, d'ambition, ou d'auarice iugent le plus souuent ce qui est inique, & ainsi ils ne sement toute leur vie (comme dit le sage) que peruersité, mais aussi ils doibuent scauoir qu'ils en moissonneront le tourment, & que la verge de leur indignation prendra fin. Vous aurés donc (Messieurs) assés d'affaires aux Estats, si vous voulés apporter vne reformation a la Iustice, que de parler de tels officiers, telle corde merite biē d'estre touchée & à besoin d'estre mise en bon ton, vous trouuerrés assés en france à qui commettre le maniement des affaires, nous auons encores Dieu merci bon nombre de personages, doctes & vertueux, nos prouinces, nos villes, vous en fourniront assés, Estant chose certaine & sans doubte, que de gens de bien & entiers il ne sçauroit sortir, ny esclorre autre chose que de bōs cōseils & aduis. Nous trouuerrons si nous voulons des Fabriques, des Publicoles, des Curies, des Calatins, des Cecinnates, des Attilles, pour les faire asseoir sur le throsne de la Iustice, & lesquels prefereront tousiours leur particulier au public. Helas bon Dieu! ne sçaurions nous voir vne telle reformation en nostre pauvre Frâce, n'ôurs nous iamais cet heur que de voir les Estats non plus venaux. C'est de vous (Messieurs) que despendent telles affaires pour le bien de l'Estat, C'est a vous de remonstrier au Roy les maux

que nous endurōstous les iours de ce costé la. Vous voyés comment ceux d'aujourd'huy a cause de la cherté de leurs offices, vendent la Iustice, vendent les Republicques, védēt le sang du pauvre peuple, vendent les loix aussi, & cōsequemment ostent les loyers d'honneur, de vertu, sçauoir pieté & de Religion, ouurants en plein iour la porte aux larcins, aux concussions, a l'auarice, Iniustice, ignorance, a l'impiete & a tous vices & ordures. Voila en vn mot que cest que de la pluspart de nos iuges, & desquels Horace a tres-bien sceu dire, *Malē verū examinant omnes corrupti iudices*, ie dicts la pluspart, car ie ne doute point qu'il ny en ait encores d'entre eux, qui regrettent de voir telles choses; mais quoy: que peut faire vn petit nombre, entre tant de corrompus, sinon que d'auoir recours a Dieu, & le prier d'auoir pitié de son peuple desolé, affligé, foulé, & ruiné par ceux qui ont l'autorité sur luy, ou bien auctorisent ceux qui commettent telles impietez, sans se soucier du iuste, sans supporter la veufue, l'orphelin, sans reprimer l'insolence des vns & des autres, sans guerdonner la vertu & integrité de ceux qui le meritēt. Ce sont a proprement parler torrens de nature desbordée & accessiue, lesquels apres auoir rompu la leuée d'equité & de bonté, viennent a s'espandre parmy les campagnes, rauager pour vn temps les semences de iustice, atterer les moissons toutes entieres, jusques à ce que finalement ils se vont perdre & precipiter dans cét abisme espouuentable duquel par Virgile.

*tenent media omnia Sylua*

*Cocitus-que Sinus Labens circumfluit atro.*

Par faute dē voir bien a l'œil ceste iustice diuine, laquelle avec des yeux en plus grād nombre Qu'argus, penetre au dedans de leurs pensées profanes,

& à la mienne vollonté que ces gēs la se voulussent vn peu arrester a cōsiderer, qu'elle a esté este iustice sicuriēsement obseruée par le paganisme, ils ny trouueroient que toute equité & droiture, nous en auons encores leurs loix, lesquelles sont plus diuines qu'humaines. D'auantage, s'ils vouloient s'enquerir ou est ce grand Allexandre ce grand Cesar, ce grand Charlemagne & tant d'autres Roys, ils seront estonnés de se souuenir quels ont esté leurs Estats, ce Lyrique payen a bien chante leur honneur.

*Nullus argento color est avaris  
Abdite terris inimica Lamna  
Crispe salusti nisi temperato  
Splendeat usu.*

Qui consistoit principalement en effects charitables, l'vn desquels & le principal estoit d'auoir l'affection vers les pauures, les soustenir, & par auosmes releuer leurs necessités; ainsi en doibuent vser ceux qui ont auctorité sur vn peuple, escouter la plainte d'vn pauure plustost que celle d'vn riche, cest a dire le preferer sans tant le faire demeurer a leur porte, non tant sous esperance de gain que pour l'amour de la vertu: imitans en cela Traian ce grād Empereur Iusticier, lequele est a bō droit loüé des historiens, de ce qu'estant a cheual pour aller a laguerre, il mit pied a terre pour ouir la plainte que luy vouloit faire vne pauure femme. Bel exēple certes pour ceux qui se meslent de gouuerner la iustice, lesquels s'ils veulent faire le semblable, cest a dire s'ils sont amateurs d'equité & zelateurs de Iustice, ils doibuent auoir esperance certaine de ne mourir iamais que pour viure dans le Ciel. Pour conclusion suiuous tous iours la Iustice,



reſtabliſſons la comme elle eſtoit du temps de nos  
 anciens peres, embraffons la, ſans en iamais quitter  
 la priſe, a l'exemple de ces grands perſonnages Pa-  
 yens, leſquels bien qu'ils n'euffent le vraye cōnoiſ-  
 ſance de noſtre Dieu: toutesfois il s'eſt ſeruy deux,  
 pour faire admirer ſa bonté & iuſtice, par des gens  
 bien verſés, & qui ont laiſſé apres eux vne memoir-  
 e eternelle de leurs actes vertueux a tout le genre  
 humain faiſons eſlection de gens ſuffiſans & capa-  
 bles, ſoit en exemple de bonne vie pour l'admini-  
 ſtrer: n'allons point chercher ceux qui n'ont que la  
 bourse en la main & rien autre choſe pour leur dō-  
 ner des charges, afin de ſe faire bonneter, craindre  
 ſans raiſon, & exercer toutes ſortes d'impietés. mais  
 ceux là tant ſeulement *Quorum Spectata et nobilita-  
 ta virtus non solum natura corroborata, sed etiam dis-  
 ciplina putabatur*, & lors ce ſera la vraye guerison  
 de l'Eſtat, ny ayant rien plus neceſſaire en ce mon-  
 de, que de bons officiers doiſés de ſcience & ſageſ-  
 ſe, afin de bien cōduire & ordonner la vie humai-  
 ne a ſa propre & heureuſe fin, & leſquels ſeront cu-  
 rieux de rapporter tout leur ſoin & induſtrie, pour  
 la conduicte d'icelle, au bien & vtilité publique,  
 afin d'en remporter auſſi pour eux meſmes, vne  
 loüange, gloire, & reputaion immortelle.

FIN.







S/PC/V.







